







王文恪公集卷之二十八

震澤王鰲濟之著

吳興朱國棟文寧訂

雲間董其昌玄宰閱

誌銘

貴州按察司副使陳公墓誌銘

弘治十七年六月二日前貴州按察副使陳公卒十月四日辛酉葬吳山之上金原壽六十有六初公按江西有李都御史者與民爭水利積數年無敢決者

公曰吾請決之盡以其地歸諸民李嘆之未發也久之公遷貴州李時為吏部考察見公名曰是陳某耶即泚筆抹去之物論譁然宣慰使宋然率軍民抗疏留之不報公罷歸吳中家具蕭然至弼書自給有司援天順詔例歲給米五石日與學者講解經義有感觸輒發于詩佔畢呻吟病咯血吟猶不止竟卒君諱琦字粹之大父諱某考諱茂封奉政大夫江西按察司僉事陳之先本吳人以醫辟居京師公少占順天鄉試成化丙戌登進士授南京大理寺副歷寺正

江西按察僉事貴州按察副使公在官累辨疑獄廬
陟有儒生夜過里人胡甲被殺官執胡胡自誣服公
曰豈有殺人而自置於門者訊之則儒生有仇知其
夜適胡也殺之胡得釋劇盜數十人為曹白晝標掠
無禁公出令獲一人者賞若干縱其首辱遇之乃得
悉其巢穴掩捕立盡清戎御史大煽酷虐蔓引平民
公爭之不得乃出理所分道民悉自首寔御史誣執
二百餘家悉縱歸農比御史去民手瓦石脊擊之而
為歌謠以頌公公所至興學獎士見常素有文行折

節下之負權勢者視之如無竟以是罷娶吳氏繼邢氏子豸年始十二女適烏程縣學生嚴統銘曰噫嘻冷菴惟義之耽惠文客客犯允且直官誣名振孰云我貧我貧我安講道以賊於戲逝矣傷如之何

福建布政司左叅政姜公墓誌銘

公姜姓諱昂字恒頌生而端重介特不苟言笑數歲刻礪讀書成化辛酉占應天鄉試明年登進士第出知棗強一意愛民凡所決譴皆自以不寃門無呵卒獄無滯囚三年召試監察御史時方士李孜省得幸

公率同列疏論之。命杖於午門外。以親老乞改南京河南道出理福建戎籍。擢知河南府。值歲大旱。公至則雨隨之。洛人抃舞。每晨吏白事。退終日閉閣。觀書。鞭箠懸不用時。母夫人年八十。以懷土屬疾。疏乞近郡。便養不許。疏復再上。三上至。乞降府佐或教授。它日除邊遠。自効。乃改知寧波。寧波聞公至。同官皆減去輿馬華飾。俳優雜劇不一陳于前。日本入貢過郡。望公迎。戢六年。復以母老歸。養進福建布政司左叅政。不起。且上疏乞終養。母卒。服闋。部使者奏起之。

而公以其年月日卒其年月日葬郡城之官山公于
取予尤不彊在官日買肉少許奉母自食蔬菜子弟
學書不得用官紙筆非歲首未嘗燕客不受人饋貽
亦未嘗餽貽于人權要請託一切報罷以是人多不
悅而亦不能毀也姜故汴人扈宋南渡家崇明之西
沙元時徙崑山之惠安鄉今為太倉州人高祖諱仲
和元海運千戶曾祖諱源祖諱麓考諱敏贈文林郎
南京河南道監察御史母曹氏封太孺人子男二長
龍中應天甲子鄉試次淮女三孫男一女二銘曰

柳姜侯維行之揭曉然不緇為彼玉雪 皇假近
郡汝其予守邑養以終萬鍾奚有東海洋洋終卧不
起於戲姜侯可謂君子

通議大夫工部右侍郎談公墓誌銘

公談姓諱倫字本彛其先有仕宋為博士博士生宗
遂宗遂自開封扈宋南渡家吳興復遷上海族日蕃
大曾祖諱季芳始以族大為慰痛自柳損散財積書
人謂之癡 國初諸巨族皆謫戍人始服其識祖諱
部考諱景瞻皆贈通議大夫工部右侍郎公長身豐

顧瑩然玉立景泰丁丑登進士觀政吏部時鹽山王
忠肅為冢宰風岸孤峭意輕南士見公瞿然曰南方
有此人耶因授驗封主事甫一年擢員外又擢郎中
公性開朗又善承忠肅意忠肅愛之 英廟每召

見忠肅輒以公隨

上問之忠肅以公名對曰臣

老矣於

聖諭恐有遺忘此郎代臣志之且其人

可信也

上因欲大用之忠肅謂公年少資淺他

日庸之未晚久之丁母淑人憂服闋至京則濟南尹
公為冢宰補虞衡司三載擢應天府丞鳳陽大水尹

律者不敢以聞公自署其奏是歲詔免秋糧數
萬進尹應天改順天會軍興橫索民車以千數公許
以百兩不可倍之不可再倍之又不可乃具以聞
詔以百兩與之自是軍士無敢橫進工部右侍郎筦
易州新政搜逋挾隱剗削奸蠹歲得羨餘若干萬會
南昌人李孜省以大道倖尹公子龍被逮尹公以是
去公亦隨之初公受知忠肅忘肅之病也日侍湯藥
于左右忠肅臨終以公託崔尹兩亞卿兩亞卿亦自
才之故公往來三家如家人父子時萬文康在內閣

有憾於尹因攷省媒孽醞釀以成其獄士出尹公門
及山東者盡逐之朝班為空尹公之門無敢闖焉
公於尹最厚其行也又往餞之故及今上登極
公道昭宣攷省伏誅謫逐者多召還而公竟不起
治甲子其月日也年六十五明年乙丑九月葬先塋
之東淑人王氏張氏祔公無子以弟之子田浚初公
家居歲遣人起居尹公於山東忠肅之卒也祀之別
室崔公歿亦如之尹公亦如之蓋其為子所事如此
於呼公之才識固遠到器也不幸屢為當道諸公所

知或推或輓卒以顛殞是獨何哉其亦可慨也已銘
九輓莫前一擠而顛其曷為然退處而年迨天之施
公尚何怨

廣東按察使趙君墓誌銘

成化辛丑春禮部會試天下士吳江趙君栗夫名在
第一刻其程文傳播中外名聲大起時年甫二十餘
尋登進士上第授刑部主事歷員外郎郎中浙江按
察司副使進廣東按察使蒞任甫越月卒年四十有

九君諱寬栗夫字生而白晳纖弱若不勝衣而警敏
絕人自少讀書五行俱下其于舉業殊不經意下筆
即超邁老輩皆推服之及有官益肆力學問自經史
以及諸子百家無不淹貫為文雄渾秀整行草亦清
澹時刑曹同官華亭陳一夔崑山秦廷贊天台王存
敬皆能詩四人相得驩甚更相倡和時吳文定公在
翰林良辰佳節四人輒相過從予時亦往來公所多
相賡和君才尤瞻下筆數百言衆皆驚其捷服其工
吏事初非所長在刑曹久律例通究曉析訟至立解

獄無冤滯及董瀚江學政能推所學以變其習士無
諛聞狹見之陋凡經指授為文皆有程度不以權勢
動搖有所軒輊高下遇人坦率不事表襮人以此愛
而重之曾祖諱銘黃巖典史祖諱瑛湖州梅溪局大
使考賜累封刑部郎中母沈氏封宜人梅溪善星數
君之幼也以為必貴特愛之南京國子學正莫君所
奇之歸以其女子男二禧邑庠生餘幼禧卜以正德
元年癸君子吳橫山靈石峯之麓莫宜人附銘曰
孔翠祥鸞其文既騫騏驎服轅中道忽踈始誰啟之

卒誰尼之已乎栗夫愛莫起之

雲南按察使進階中奉大夫張公墓誌銘

雲南按察司按察使張公諱翥字汝振世為蘓之長
洲人曾祖諱進淵江諸暨知縣祖諱滄國初以人
才徵未用卒考諱樞贈奉政大夫南京刑部郎中妣
陸氏封太宜人公登天順丁丑進士授工部都水司
主事改虞衡司又改南京刑部山東司歷員外郎郎
中出知江西南昌府進河南布政司治叅政雲南按
察使致仕以子約貴進階正議大夫勲資治尹

今上登極以詔恩進中書大夫正德丙寅冬十月二十九日卒於家春秋七十有七明年五月己未葬邑之金芝嶺配吳氏累封夫人子男二長約工部營繕司郎中次蒙貞女三婿為南京太常寺典簿郭忱鄉貢進士顏林府學生傳義孫男女各四公清慎守法臞然若不自持而見義卓然不惑始至南昌即理冤獄出之民大悅高安有毛姓世豪于鄉縱火殺人亡命吏不敢問公發之竟置重典民又大悚有中貴乘傳搜括民間奇玩勢張甚郡縣望風迎拜且以鹽椰

配於民而以庫銀給之至南昌公曰民吾民也庫
朝廷之庫也誰敢干之吾將以聞於上中貴見公
不可奪乃稍自戢時所至民被其擾獨南昌晏然雲
南諸夷爭襲賄賂公行公一切禁絕年甫六十以母
老懷乞致仕以歸公天性簡儉家故富且貴矣而自
奉有人所不能堪歸吳掃軌閉門客至則清話終日
澹如也居官所至能舉其職而南昌之政尤偉故予
特詳焉銘曰

張公竭竭所至則發昔在南昌或獮而猖肆整吾民

乃以身當位方日融倏解而旋有子而才有孫有年
寵秩有加亦又何嗟

通議大夫南京都察院左副都御史陳公墓誌

銘

弘治乙丑冬南京都察院左副都御史陳公致仕歸
吳明年正德元年九月十日卒于家又明年其子鏊
采京因請予誌其墓於戲往年吳文定公不祿今茲
公又逝平生交游存者其幾其尚忍銘之耶其尚忍
不銘耶公諱璠字玉汝世家長洲之陳湖大父諱子

富考諱孟善皆贈通議大夫南京都察院左副都御
史祖妣吳氏母錢氏累贈淑人公積官自翰林庶吉
士授兵科給事中歷刑科左給事中大理寺左右寺
丞左右少卿南京都察院左僉都御史左副都御史
階通議大夫嘗以給事閱實湖貴邊儲以少卿出按
湖藩刑獄以都御史檢周府莊田又按吉府獄
事前後董舟師于江上享年六十有七墓在隆池山
之原葬之日為丁卯歲十二月三日配嚴氏封淑人
子男四鎡鑰鍵錕女二孫八濤淳津沔漢泓洵訥曾

孫四公體貌脩整不類吳產少入郡庠已頽然出其
輩類成化戊子占應天解額戊戌今少師李公同考
會試得其文知其為奇士也置之高等遂被選為庶
吉士時文定公在翰林聲稱籍甚公初與同席硯遂
屈已師之相與剴切為古文詞公質若重遲而思致
獨遠不肯為尋常熟爛語始務奇崛卒造平澹時輩
推之為言官隨事獻納務持大體不沽激訐名妖僧
繼曉事覺法司當以常刑公言先王之制為奇技淫
巧以蕩上心者殺法司當非是於是曉竟坐棄

市尚書何喬新等皆被詰責待罪有中官搏近臣于
殿陛間公劾之兩皆坐黜又劾寧陽侯陳輔諸不法
事卒奪其爵在大理以儒術飾吏事平反唯允初
周府莊田與民田相淆累歲爭不決時河南諸當道
意在民也公往履畝具實以聞詔歸之府於是始
忤當道意其董舟師也適劇賊施天泰出沒海上大
肆標掠東南騷動公引兵會魏都御史紳于海口賊
已斂氣仍諭以朝廷威信向背禍福賊遂挺身來
歸東南晏然衆方多其功久之海上餘孽復相煽動

言者乃欲公與魏不當受其降會

今上初言路

大開言者紛然猶尚以當道故也公不辯遂引疾乞
致仕詔許馳傳以歸明年即其家賜緋袍白金
以平賊功云於戲公之檢田也所持者衷其受降也
所存者信而每不為議者所與夫衷與信非所獲罪
也公又何慙乎其亦命而已矣於人何尤焉銘曰
誰謂吳遠而多文學公在諫垣其儀濯濯乃平邦刑
乃持邦憲出入踐更吏以儒緣世方疾驅吾獨委蛇
吾自吾信曉曉則那退處而休孰怨以尤琢詞玄石

以昭于幽

封孺人徐氏墓誌銘

孺人徐姓裔出吳之天平山成化中長鄉之稅邑大夫禮焉一邑之事多倚以集諱熿者其考也水東之陳封文林郎翰林院編修名輿者其歸也登丙辰進士被選入翰林為庶吉士授編修侍

今上經筵

為講官修

先皇帝實錄克纂修曰霽入栗于官

授冠帶曰震授八品散官曰雲為邑庠生曰雷其子也適遠述遂其孫也正統壬戌八月四日其生正德

三年五月八日其卒之日也胥臺山之青銅塢其葬
之地戊辰十月葬之日也天性貞靜而明慧讀書通
大義知楷法事舅姑以恪慎凡烹調紉綴澣濯率躬
為之不以委人歸陳值家中微尺案寸積遂大其家
甲子一方課諸子以學口授孝經唐詩指解字義數
說故事使知所慕法霽入翰林之三年則拜孺人封
號冠帔朱袍居常罕御蓋以布素終身焉其行也是
其可書者矣霽方以文學嚮用于時所以褒顯其親
將又有異等焉銘曰

詩詠葛覃服乃無斁鵲鳩均平唯內之則于嗟孺人
天平之華來嬪湖汭大其家勤而後安母有多子
象服在躬承祀有煇胡不百年享此繁祉刻銘幽宮
以永厥終

王文恪公集卷之二十九

震澤王鏊濟之著

吳興朱國禎文寧訂

雲間董其昌玄宰閱

誌銘

太子太保吏部尚書贈特進光祿大夫左柱國
太師謚端毅王公墓誌銘

國家有宿德重望之臣曰王公諱恕字宗貫仕至
太子太保吏部尚書年七十八致仕
今上即位

遣行人即其家存問而公卒於家年九十有四
上為輟視朝一日諭祭者九仍命工部治葬事贈
特進光祿大夫左柱國太師謚端毅朝之公卿罔不
嗟悼已又羨焉謂公祿位名壽終始俱全近古所未
有也公可謂一代偉人矣王世家陝西三原縣公生
而魁偉高岸音吐如鍾見者異之正統戊辰登進士
選入翰林為庶吉士授大理評事歷左寺副出知楊
州府擢江西右布政使轉河南左布政使成化初進
都察院右副都御史撫南陽荆襄流民丁內艱會荆

襄盜起特起復公征勦遂勅巡撫河南進充副都御史改南京刑部左侍郎巡視河防又改南京戶部左侍郎所至有異政然猶未甚為人知也會雲南夷獠為梗改公都察院左副都御史巡撫其地時鎮守內臣私市外夷誅求無厭人莫敢問公劾之其下郭英懼而自盡沒其寶石於官并械送其下數人于京且勸上不寶異物凡花木禽獸寶玩宜一切拒絕有駕帖下郎中鍾蕃所公言舊例駕帖下諸司司禮監印刑科號皇門諸司關防今皆無之何以為

信設駕帖有賜死者其人將何如死之恐孤臣節不
死恐違君命又言昔交趾鎮守非人致一方陷沒騰
衝啓釁致麓賊叛逆今日之事殆又甚焉在雲南九
閩月疏二十上由是直聲動天下進都察院右都御
史又改南京都察院叅贊守備機務提督巡江進兵
部尚書仍叅贊同事者忌之改巡撫南直隸公以近
年貢獻太多所在騷擾因言古之明王有投珠抵璧
卻千里馬焚雉頭裘者非不知珍玩之可愛也恐因
而妨政害事所以投之抵之焚之卻之以固結人心

為宗社計也乞崇恭儉為天下先凡織造官一切取
廻珍玩奇貨令四方無來獻中官王敬乘傳東南搜
索奇玩所至驚懼公言當此凶歲謂宜遣使賑濟而
乃橫求玩好昔唐太宗遣使涼州諷李大亮獻名鷹
明皇令益州織半臂背子捍襪鏤牙大亮與蘓頲不
奉詔臣敢不效之又具言其失人心損國體傷和氣
而召災沴上乃詔戒敬久之敬等俱收捕下獄
同惡王臣斬于市中外稱快謂公有回天之力仍轉
南京兵部尚書叅贊機務刑部員外郎林俊以諫達

永昌寺下獄經歷張黻掾之亦下獄公言二人志在
盡忠而得罪恐人自此以言為諱設有奸邪誤國誰
復為 朝廷言者儻有 旨令致仕公怡然就道
孝宗在東宮則聞公名即位 召為吏部尚書旋加
太子太保公在吏部裁抑僥倖褒獎名節甄拔淹滯
中貴無敢以私干劉文穆在 內閣每有所軒輊公
亦不屈守備蔣琮與南京科道相訐奏科道多得貶
黜琮自如公言宮中府中俱為一體陟罰臧否不宜
異同知州劉槩御史李興以忤文穆下獄公力辯之

得減死 內旨以通政司經歷高祿為本司叅議公
言祿出自科目自可遠到而越次超陞恐非所以愛
之也唯以天下之官待天下之士勿以親戚妨公義
事乃止時有建白多謂業已行矣公言天下事設未
得其當雖十易之不為害若謂已行無及則言之納
諫如流者豈皆未行乎公遇事輒言有不合即引疾
求退 上每溫詔留之執政有不悅謂其好名者
太醫院判劉文泰因誣奏公公疏辨下文泰獄鞠問
事遂白而公求去益力 詔允之命乘傳以歸有司

給役米既歸日優游園林讀書著述不輟言者每欲
起公不果以王德三年四月二十日卒明年月日葬
某原公在楊州屢析疑獄歲飢且疫發倉廩給醫藥
全活不可勝紀襄陽賊平首帥欲縱兵搜山因公言
而止東南大水士庶咸望公奏蠲歲額公獨持其議
以軍國之計重也然所免各郡亦且數十萬而人莫
之知舊例應天鎮江太平寧國廣德官田減半徵而
民田全免久之民田多埽豪家官田多歸下戶公乃
為之損益官田量減其耗民田稍增之公私便焉公

曾祖諱彥成祖唯真考仲智皆贈光祿大夫柱國太子太保吏部尚書曾祖妣某氏祖妣張氏妣周氏累贈一品夫人公先娶蓋氏繼張氏俱累贈一品夫人文氏封一品夫人子男五承怡都督府經歷承祿義官承祥順天府通判承經義官承裕吏科給事中女二孫男十二統綬基埜節簡潛璿璟輅輶輦輿女九曾孫男四安邦安民安世安國女二公所著有石渠意見四卷拾遺二卷玩易意見一卷詩文十卷歷代諫議錄一百二十卷漕河通志二十卷奏議若干卷

銘曰

國有正氣曰唯忠義忠義斯存國勢乃尊侃侃王公
奮自三原歷事五朝正色危言其言維何別邪

與正邪正既分國是斯定逆鱗屢犯犯且弗傷唯公
之誠唯先皇之明帝曰老臣國之耆耆卹

典榮名有加于舊公如汲黯逆亂寢謀公如裴度邪
佞所仇公雖亡矣神豈云邈上騎箕尾下牝河嶽刻
碑詔後唯昧之覺

封太安人楊氏墓誌銘

太安人楊氏世為崑山農家故封翰林院修撰顧公
諱某之側室實生今翰林院侍講承直郎鼎臣弘治
十八年秋 天子上 兩宮徽號推恩近臣因
進封太安人正德四年十月二日以疾卒明年九月
七日癸吳縣潭山之新阡年七十有四初修撰春秋
高正室吳安人相之性嚴少可太安人承事唯恭唯
慎奉上撫下調護左右蔭庇内外罔有違言者或乖
意所干一切含忍引分推誠終不見忿厲之色生昇
臣甚愛之意常遠之人不知其為愛也及昇臣舉進

士 賜第一甲第一人及第未幾遂受 封命遠近
稱慶以為殊遇太安人獨愀然若不憚蓋念吳之弗
獲是典而已獨被其榮也子男一即鼎臣孫男一履
方孫女二說者謂春秋之義母以子貴夫豈獨以貴
又以之賢焉蓋觀其子之立可以知其能教也若太
安人者有子如此可不謂賢乎銘曰
邈矣丹山孰云其高有雛生焉其文九苞彼其剡剡
孰之敢擬有如不信徵諸魯史

伯兄警之墓誌銘

伯兄諱銘字警之贈光祿大夫柱國少傅兼太子太
傅戶部尚書武英殿大學士諱伯英寔曾祖初贈資
善大夫戶部尚書文淵閣大學士繼贈光祿大夫柱
國少傅兼太子太傅武英殿大學士諱遠寔祖前知
光化縣累贈光祿大夫柱國少傅兼太子太傅戶部
尚書武英殿大學士諱朝用寔考兄生而脩長瓌碩
沈默端厚雖在卒遽言貌紓徐無異平日少嘗隨仕
光化相道浚先人謂先少傅之宜于光久非獨內德
茂也抑其子有助焉年未艾歸卧湖山間滅跡城市

鏊立 朝三十年州縣不知其有兄也及鏊在 內

閣人或曰弟當要路不可因是媒進耶兄曰吾嘗勸
吾弟唯公唯正苟以吾故撓其節雖貴不顧也近時
貴家多以勢持州縣短長侵牟齊民以廣其田園高
其第宅或勸可倣之兄曰吾嘗勸吾弟唯廉唯慎苟
以吾故傷其潔雖富不顧也其於聲色玩好博奕游
戲一無所留意王氏自宋家太湖之包山世以忠厚
相承而近世亦不能無少變也兄蓋有前人之風焉
而吟不可見矣悲夫生正統癸亥九月二十三日以

正德五年五月十七日卒年六十有八初娶鄭氏繼
孟氏子男四寵宰蚤卒延質延學皆工舉業孫四有
周有勺有方有親以六年十二月二十六日癸蔣塢
先塋之側銘曰

兄其曷歸從先少傅暨先夫人尚安其故

中憲大夫雲南按察副使致仕朱公墓誌銘

朱之先系出唐孝友先生仁軌宋有兵部郎中貫與
丞相杜祁公游所謂睢陽五老者也五傳至直秘閣
子榮稚年遭亂南奔始家吳之常熟直閣生實錄院

修撰大有徙家吳城又三世為征東儒學提舉德潤
有盛名于元是為公之高祖曾祖吉 皇戶科給事
中以直言被旌遷湖廣按察司僉事 召為中書舍
人始徙崑山祖永安考夏皆隱居教授考以公貴贈
監察御史公諱文字天昭自幼超穎迥出輩流游郡
庠部使者程校藝業輒為首冠舉于鄉輒不利成化
丁酉年三十有二始占南畿鄉試甲辰登進士第公
初治詩已乃改治春秋又改治易治易未三年遂登
第士流服其敏引治庚戌授雲南道監察御史出按

兩廣戎籍凡理戎籍例以搜括隱匿多寡為最。後
其任者率以酷烈為名。公在兩廣獨持平不苛而稽
審有法。民一言出口。洞燭顛末。雖斷歸戎籍。退無怨
言。巡按福建。風裁整肅。衆謂得御史體。魏都御史富
林副使俊移疾家居。咸奏起之時。公私殫屈。國計無
所出。而鎮守死者。貨財鉅萬。輒既于羣小。會福建鎮
守陳道死。公乃籍其數以聞。真可佐公帑之乏。
詔不從。是後鎮守死。御史不得復預。權貴者始忌之。
屯田故有額。而隱占于奸氓。歲久漫不可考。公至湖

廣則許民自首不究切之或得業已久則輸稅而不
奪其業民見公明信率詣官首實公為政雖若嚴峻
而每出于平恕聞有吳甲治海船商乙以市外蕃咸
坐死公曰甲造舟而未嘗市蕃乙市蕃而舟非所製
得減死其他冤獄尤多所平反政聲流聞法當遷秩
上官有不悅者署其考為才力不及久之改雲南公
曰尚可仕乎遂上疏乞致仕時國法方峻人為公
危之公不顧卒得旨允居官幾三十年公私無纖
毫過戕權門要路離舊與連未嘗一言自通人有德

公者寓書當道薦進公知之即還其書不達曰吾豈
可自售也尤善論古今成敗能以辯博濟其議往往
屈人于廣坐之中予與交幾四十年偉其博重其廉
且守而獨疑其過于警拔不虞乃以不及沮于時銓
鑒者其獨謂何物論所以至今不厭者也公以正德
六年三月二十八日卒春秋六十有八七年二月二
十一日葬吳縣陽抱山之先塋恭人王氏祔恭人工
部右侍郎贈尚書永和之孫大理評事汝賢之女賢
明貞淑鄉邦稱之大理無子館公于家子男六長希

周恭人出 賜第一甲第一人及第今為翰林侍讀
以學行聞于時次希召希韓希富希呂希馮女四孫
男二女三公所著有宋石稿涉覽比事臆見襍錄若
干卷藏于家銘曰

不涸其明不刊其方持其顏顏不與時當屏居優游
不怨以尤嗟兄君子胡不少留何以傳之刻在卑猶
通議大夫都察院右副都御史林公墓誌銘

正德戊辰三月九日巡撫雲南都察院右副都御史
林公卒于家歲辛未其子有孚始以進士言于朝

曰唯國家于大臣之終具有恤典載在令甲近逆瑾
柄國實隳大典先臣之歿且三年尚在淺土今朝
廷事復舊章臣敢以聞有旨命有司治塋域仍
命官諭祭如故事于是有季乞歸以壬申十二月六
日葬公于邑之紫帽山先塋之右遇吳乞銘于予予
於公同年友也知公特深公諱普長字元甫後以字
行而更字秉仁成化甲午占福建鄉薦明年賜同
進士出身時尹恭簡為冢宰識而異之曰雅粹端重
宜居侍從之列奏授工科給事中先是言官有以言

得罪者中外以言為諱臺諫徒取充位公獨以獻替
為志乃言今進士科限三甲恐不能盡天下才宜如
宋制增置五甲其四甲五甲皆授以學校之職庶人
才不遺而師儒之職可重疏上忤 旨時已 詔公
冊封占城乃罷不遣而遣他使後他使有海禍或以
罪戍邊人謂公有神明之助焉久之有 旨召恭簡
至內曰蕭顯等六人皆外叙公名預焉以母憂獨免
服闋改南京禮科以憂去弘治中仍署本科未幾擢
都給事中時 儲貳尚虛公言宜早建以定 國本

土魯蕃以獅子來獻公言宜卻之以明明主不貴遠
物時議且復用汪直王越公言二人授之尚未遠可
復用耶餘若抑倖進慎選舉恤災患節財用溥恩宥
優畿民皆累累為上言之癸丑擢山東布政司

左叅政時齊魯旱甚所司方于歲額外多歛以備賑
濟公曰與其多取以濟民孰若寡取之為濟廣且均
也會營德府妃葬大治瑩域公不可王令承奉
長史諭之又令諸藩臬諭之又面諭之終不可乃易
人董之擢雲南右布政使未浹月轉陝西左布政使

時方飢饉重以師旅公轉餉維時師以克濟擢都察院右副都御史巡撫四川值寇作公嚴督將領平之有襲衣白金之賜蜀歲轉餉松潘路出蕃中蕃人劫掠邀利官吏又緣以侵牟蜀人病之公設方畧禁貪緝橫其弊幾絕而議者顧不便焉甲子改命巡撫貴州旋又改雲南以積勞賜誥進通議大夫推封三代且錄子有恒為胄學生公時已病痿在告䟽三上始得旨給驛以歸逾二年卒春秋六十有四公長身美髯眉目朗秀襟度冲粹不見畛域而執守堅

定不以利搖勢奪家居敦行孝友置九牧祭田緝譖
牒復孝義堂居官潔廉明慎所至人懷之凡汲引人
才人未嘗知察友嘗被誣以身家保之竟亦不使之
知也林世家閩之莆田世稱九牧林氏公為邵州蘊
之後奕世有聞祖諱宏泰贈通議大夫都察院右副
都御史祖妣李氏贈淑人考諱良弼封徵仕郎工科
給事中贈通議大夫都察院右副都御史妣黃氏贈
淑人公娶陳氏督府經歷圭之女贈淑人繼孔氏宣
聖五十八代孫封淑人子男三有恒有章有孚女三

孫男五大魁大選大嚴大遂銘曰

端粹溫溫可望而親其仁不與持議蹇蹇不隨以貶
乃全其方 皇恩予赫賁于寔宥維後之慶

光祿大夫柱國少保兼太子太保刑部尚書閔

公墓誌銘

昔在 孝宗朝其大司寇曰閔公諱珪字朝瑛其
先有仕宋為將仕郎自汴來家湖州之烏程晟舍里
六世祖德淵歸安教諭曾祖諱性祖諱緩考諱鄮皆
以公貴累贈光祿大夫柱國太子太保刑部尚書曾

祖妣袁氏祖妣謝氏朱氏妣嚴氏皆贈一品夫人嚴
夫人為國初工部尚書諱震直之孫尚書醇德懿
行簡在 高皇公之生也人以為有外祖之風焉

天順甲申登進士選授山東道監察御史屢劾大臣
之不法者罷之成化六年擢江西按察副使已而改
廣東進按察使庾嶺介南雄南安間二境爭田不決
公方會勘衆忽噉呼為變人勸公少辟公不動徐為
處決令下兩境胥悅散去新會民嘯聚山谷為亂公
出諭以大義貫其逋負遂安堵如故二十一年江西

南贛盜起擢公都察院右僉都御史巡撫江西至則
舉廉黜貪勸分薄賦且疏盜賊之作皆巨室是由歆
連坐之仍革豪右橫取之弊京宦由是多不悅會妖
人李孜省得倖因言公不勝任左遷廣西按察使弘
治初復公都御史巡撫畿甸經理儲備修濬城濠尋
進刑部侍郎四年以都御史總督兩廣軍務番禺瀧
水柳慶平樂徭獍相繼為亂督其下討平之其討古
田也都督馬俊及叅政馬鉉敗死時以致敗自俊公
引咎自劾時議又歆濟師公謂罪止首惡乃設重購

緝之已而賊果自縛以歸公又歸功於下安南使臣
奏入貢道憑祥龍州輒為所梗詔下公處分公曰
是亦各有罪焉乃行安南毋得挾私貨行憑祥無得
阻貢物二夷爭遂息公在兩廣通行鹽之地而軍儲
以濟立定順長官司而蠻人不為變八年進南京刑
部尚書尋改左都御史掌都察院事加太子少保
十三年遷刑部尚書公前浚在法司屢治大獄皆會
切情法加以仁恕樂工袁林以罪庾死獄中邏人以
刑部郎中丁哲濫致之死也事連御史陳玉下廷

議時以事出中貴相顧莫敢發公獨擬如律及吏徐珪以死辨哲寃并下獄深治公又執如初竟俱從末減遼東都指揮張天祥襲殺虜為功大理少卿吳一貫當其罪死會天祥死于獄 孝宗大怒親鞫于

廷欲置一貫重辟公與都御史戴珊進曰一貫推按不實罪當徒 上怒不解公力諍曰法如是足也

一貫罪止貶官宣撫逮妖人李道明蔓延百餘人巡撫者欲張大以為功公獻罪止道明餘悉縱免正德初逆瑾用事公遂請老 詔允仍加少保乘驛以歸

與皂祿米有加焉猶以公德厚故也辛未十月十五日以疾卒以某年月日塋橫山之原壽八十有二夫人王氏累受封誥秩備一品先二歲卒子二閭聞女一孫男八宜勤宜勛宜勵宜勅宜助宜勳宜効宜功督府都事勛勵國子生女四曾孫男六女三公少讀書于廟房之東楹偶徙而西忽驟雨震霆破其楹及出巡徑溪山甫及岸而梁陷殆若有神相之者公少則以韓魏公自期其後數歷中外焯著勲烈雍容廊廟不見運動而天下陰受其賜信魏公之流亞歟

及功成身退壽考榮名孫曾滿前福履之盛又近世
所鮮儼也予與公同朝久知公行為詳其葬也聞
以墓銘來請銘曰

於皇九葉時明之隆間于兩社有若閔公閔公之
庸奮自南服内外省臺出入南北帝曰俞哉汝

作予士明于五刑以弼予治唯帝好生唯公慎

德滲漉薰蒸以長王國上方耆之有孽其間薜榮
來歸烏程之山人亦有言刑官罔後昔也咎陶不與

三后公持邦刑有歲有年福履優游名德具完雲曾

繩繩考終大耄太史刻銘維後之詔

石田先生墓誌銘

有吳隱君子沈姓諱周啓南字而世稱之唯曰石田先生先生世家長洲之相城里曾大父良溪始闢田以大其家大父孟淵考恒吉皆不仕而以文雅稱先生風骼縈修眉目娟秀外標朗潤內蘊精明書過目即能默識凡經傳子史百家山經地志醫方卜筮釋官傳竒下至浮屠老子亦皆涉其要掇其英華發為詩雄深辨博開闔變化神恠疊出讀者傾耳駭目其

體裁初規白傳忽變眉山或兼放翁而先生所得要
自有不凡近者書法涪翁遒勁奇崛間作繪事峯巒
煙雲波濤花卉鳥獸蟲魚莫不各極其態或草草點
綴而意已足或輒自題其上時稱二絕一時名人皆
折節內交自部使者郡縣大夫皆見賓禮播紳東西
行過吳及浚學好事者日造其廬而請焉相城居長
洲之東偏其別業名有竹居每黎明門未闢舟已塞
乎其港矣先生固喜客至則相與譙咲咏歌出古圖
書器物模撫品題酬對終日不厭間以事入城必搯

地之僻陋者潛焉好事者已物色之比至則屢滿乎其戶外矣先生高致絕人而和易近物販夫牧豎持幣來索不見難色或為贗作求題以售亦樂然應之數年來近自京師遠至閩浙川廣無不購求其蹟以為珍玩風流文翰照映一時其亦盛矣先生自景泰間已有重名汪郡守澣歆舉應賢良不果王端毅公巡撫南畿尤重之延問得失而先生終不及時政曰吾野人也於時事何知焉然每聞時政得失則憂喜形于顏面人以是知先生非忘世者初先生事親色

養無違母張夫人以高壽終先生已八十而孺暮數
瘠扶而後興弟病瘵終年與同卧起館娶妹撫孤姪
皆有恩義尤喜獎掖後進有當其意者為延譽不已
先生娶于陳生子曰雲鴻官崑山縣陰陽訓術早卒
庶子復孫履皆郡學生先生以正德四年八月二日
卒壽八十有三復相履治喪以壬申十二月二十一
日葬相城西牒字圩之原所著有石田稿石田文抄
石田詠史補忘客坐新聞沈氏交游錄若干卷獨其
詩已大行於時文徵明曰石田之名世莫不知知之

溪者誰乎宜莫如 吳文定公及公聞其潛而掩諸
幽則唯公在予諾焉銘曰

或隆之位而慙其受或敘之秩而侈其有較是二者
吾其奚取嗟嗟石翁掇衆遺棄發為渾鍠震驚一世
彼榮而庸磨滅皆是相城之墟湖水沄沄於戲遂矣
我懷其人

亡妹故葉元在室人墓誌銘

先少傳所生子女六人而先夫人出者四伯銘仲鰲
叔銓與歸南濠葉氏妹也王氏世家太湖之東洞庭

先少傳嘗知襄之光化累贈光祿大夫柱國少傳兼
太子太傳戶部尚書武英殿大學士先夫人始封孺
人累贈一品夫人鑿承之 內閣預聞政事葉之先
以居積富元在之祖諱嘉善芳諱文寔皆隱吳之市
門而有行義實始起其家葉之先以家洞庭而元在
之幼以賴敏聞故妹歸於葉生子一人曰森孫男二
女一予妹嘗侍先少傳于光化及予歸自朝歲時來
寧愉愉如也人謂吾妹止長執綺不見其驕葉氏故
富南漢尤以華麗相矜吾妹居之不見其侈而賑卹

早寒不見其畜居家事父母敬也推之事舅姑著肅
雖之美處兄弟和也推之待姻族成姻睦之行性又
開敏解事治內御外固不稱宜故一時大家多中哀
而森獨能持其家不替焉吾妹素無疾意其壽也而
一病遽不起寔正德辛未五月十七日於戲哀門多
置哀酷繼纏前年哭元在今吾妹又繼之且年皆五
十而止其可哀也夫其亦命也夫森以癸酉三月二
十八日奉其軀葬橫山西倉塢祔元在兆銘曰
溫柔端嫺妹之良兮嬪于葉宗佐蒸嘗兮內外歸賢

宜壽康兮脩焉霄謝吁其傷兮

鄉貢進士吳文之母萬氏墓誌銘

正德丙子春三月丁酉孝子文之奉其母萬氏之櫬
葬洞遮西金山之陳嶺萬諱齡祖金考文皆不仕子
一郎文之女二壻陸完卜金孫絳其生為景泰甲戌
卒以正德癸酉七月四日春秋六十比葬某志其墓
詞曰

東洞庭之東有峯小而娟秀曰西金吳氏世家焉為
山之鉅姓有諱侃者萬所歸也能戮力同心以勤家

萬性婉婉而曉達世務力持門戶吉凶慶弔賓祭豐
儉必式下至米鹽細碎雞豚時藝亦罔不宜性慈愛
而恕為禮或不酬曰無乃吾有未至者乎市物恒過
予之曰無乃有不得其直者乎嘗折券以業貧買棺
以瘞死人以是歸其仁能通孝經大義又能推之以
孝其姑葛葛每稱之于人母周孀居五十餘年以壽
終哭之過哀酒肉不御子諫之不聽竟以毀卒人以
是歸其孝於戲其必將有後乎文之才性絕人年二
十擢應天解試高等聲振遠邇功名可俯拾忽以疾

沮疾愈且北上又以服沮天固遲之以充其受大其
數乎會將赫焉名于天下有恩自天賁于茲阡嚄
山之入母或壞旃

皇甫成之墓誌銘

鄱陽邱公之知吾蘓也嘗妙選吳下文士得四人以
與其弟霖遊四人者長洲皇甫成之崑山朱天昭吳
門徐廷芸洞遮王鏊濟之也邱公好文學知人下士
四人者亦樂其相得日相遊從講說相觀相勵明年
乙未鏊及第八翰林其後天昭登進士授監察御史

廷芸亦薦于鄉獨君八試應天皆不第弘治戊申有
司貢入太學則病不能行矣明年四月二十四日卒
于家又明年十二月十三日祔葬于邑之尹山鄉其
子錄訃于鑿發書哭之慟已乃曰吾知君者固宜錄
則為誌其墓曰君諱信字成之皇甫姓少負奇氣議
論偉然為文章援筆數千言立就作詩有警語尤工
書法工拙肥瘦能隨人意鑿嘗作詩未得書君代書
之他日示鑿鑿不能辨也行師趙文敏楷師張即之
以上逼于顏魯公環偉峭勁求者日填戶吳中公府

學校齋坊多出其手鑿嘗評其書云奇峯矗起枯松
倒生嘗患卞急以問于鑿鑿為二語荅之曰靜以勝
躁理以勝忿君曰我知之矣扁其室曰常庵自是舍
垢以忍其逆善如此雖屢困塲屋而氣不衰與朋交
交劇飲歡呼不見崖岸赴義如嗜欲治生教子皆有
程度父病徹夜侍湯藥不懈居喪哀毀甚言及輒流
涕終喪亦然終其身無不然皇甫氏世家真定自宋
南渡來居長洲之孔聖里曾祖諱均祖諱璵考諱通
其世系詳見鑿所撰其先處士墓誌配彭氏子三金

錄銓孫三淞浚沖錄為郡庠生未冠已負才名人謂
君有浚矣君年十三則為巡按御史眉山歐君所奇
今冢宰三原王公之巡撫吾蘓也日召與語亟對衆
稱其才前廣信太守淮陽金君見其文曰珠璣金玉
莫可城量故兩廣巡撫右都御史韓公亦曰皇甫子
卿雲甘雨也卒時年四十六銘曰
八戰於蓊輒北以躡千里之足嗟不一試躡且浚起
君寔有子君墓吾銘以是慰耳

蘇軾詩云我皇奇驗如安撫丹

八難於難神功如解千里之憂不一於難且是

淵雲甘雨也宋初年四十六始曰

莫可如量為兩氣與神玄味神史韓公亦曰皇直

神其卜前獻詩太宰鄭相金張其文曰卷九

公翠率三氣王公之與神香蘇也曰不與詩應

蘇休彭公與率十三陳說此神史風山短長

王文恪公集卷之二十九

王文恪公集卷之三十

震澤 王 鏊濟之 著

吳興 朱國禎文寧 訂

雲間 董其昌玄宰 閱

誌銘

南京刑部郎中進應天府丞中憲大夫張君墓
誌銘

昔宋之南遷也南軒張先生敬夫有子畱松之上海
上海之張其稱盖久元世有諱楷者任為總督海運

文忠公集
言
提舉提舉生達之仍督海運生二子詢國初舉賢
良知貴溪縣謬仕至陝西僉事生復古通左氏春秋
海寧教諭教諭生述亦通春秋改古文詞是生南京
刑部郎中詔寔惟君之考君諱黼字少承家學

歲甲午占應天鄉試丁未登進士授南京刑部主事
進員外郎又進郎中弘治辛未上疏乞致仕上

嘉其恬退進應天府丞致仕居林下值令上上

兩宮徽號進階三品子鳴鳳以御史考最加中憲大

六年七十以年日卒君始為刑曹

予尋儒者也一旦舍所業而事城旦書人且謂將不勝而君若素習然雖老法家無以過之民有里嫗訟其子不孝者君引其子責曰是非汝所由生耶語其母曰是非汝所生耶胡為乃爾反覆開譬以人倫之義皆感悔泣去龍江張謙武斷豪猾持吏短長吏莫敢問君寘之法龍江人驩譁相慶歲丙辰鳴鳳登進士君喜曰人言刑官無後吾嘗懼焉訊鞠每以恕求之曰庶免乎此其徵矣及鳴鳳官南臺旦暮定省樂也君一日出郊鳴鳳自郊歸值之遽下馬立道周輦

類御史疾馳去君乃歎曰吾老矣安得渡與兒子輩
爭衡哉自是有去志未幾逆瑾柄國掣天下士君
獨超然不預人尤高之君性澹泊敦厚不事表襮慶
兄弟宗族朋友罔不以義下至臧獲亦得其懽心然
人有過則面折之人知其非苟然者未第時嘗夢人
語之曰汝名先狀元覺而思曰吾其殆乎第豈有登
狀元先者及會試榜出名在十五而鉛山費宏十六
是年宏廷試第一始大神之其幼也嘗夢神示府丞
字莫測及致仕而有府丞之命人生得喪其果有前

受者耶先娶尹氏封恭人繼瞿氏封恭人子男二鳴
鳳尹出鳴鶴瞿出鳴鳳于逆瑾時以言獲譴罷歸五
年瑾敗始遷湖廣按察僉事又進沅辰兵備副使以
丁丑十二月葬某處予考丁未會試得君丙辰又得
鳴鳳鳴鳳因是遠涉太湖來請銘銘曰
誰謂刑官而多無後惟允惟明福流斯厚世方競趨
獨屏幽居不羸其祉施于孫子

故河南監察御史程君墓誌銘

孝宗皇帝御天下憂憫元元體貌大臣而于臺諫尤

新優假於是言官多得盡言而言之得體剴切而可
憚婉曲而可思明白而可以感動人主者亦無幾人
若休寧程君良用其新謂得進言之體者也君諱材
初以進士授閩之汀州府推官汀俗故號頑獷君至
方毅明察一時獄訟不之守而之推守以是嘆之邇
按御史胡華入守言每含怒以待有因法當流胡歆
寘之死君據法以諍胡曰我不知法耶胡怒益甚君
辨不已久之胡忽自悟曰推官言是也不然幾誤殺
一人後有大獄必召君議巡郡必挾君以注文事武

備悉以委之且舉君為八閩循吏之首召授河南道
監察御史即上疏劾大臣貪耄者二人時長憲者謂
試御史不得遽言事不與實授君亦不顧曰試御史
獨非言官耶會考京職給事中吳舜王蓋被黜二人
蓋嘗劾冢宰馬公者君遂上疏言大臣天子之腹心
言官天子之耳目任腹心而廢耳目可乎願留舜王
黜臣等之絀黜者未幾又疏九庫出納之弊蠹政為
剗甲子秋始實授御史往福建清戎伍至天津值中
貴進時鮮者暴橫不法上疏劾之因請上鄴貢

賦以安民生至淮安又上弘大綱舉萬目以隆治體
任將帥以重邊防謹謚議以昭公道累數千言

今上初政又上十事一曰君心萬事之本聖學進修
之本

朝廷四方之本部院諸司之本衣食生民
之本禮樂教化之本賢才致治之本聽納求諫之本
將帥攻守之本內治外攘之本所歷地方災傷又上

奏曰 陛下登極之初災異數見願反身修德信

用忠賢自宮闈以及百執事皆禁絕奢侈與逸遊戲
玩之具與夫不正之一私益之事可緩之賦一切罷

去皆人所難言者又嘗薦人才如王綸可尚御藥許
進宜本兵柄陸完之勤蘆林俊之養素自重陳茂烈
張詡夏鏌潘府之恬退後多為名士君自以商出於
程而生于新安故一意程朱之學嘗曰今世人才之
不逮古者科目害之也 朝廷設科以取士士由

科目以進身豈利祿之謂哉所至輒引諸生以講明
性理之學雖簿書繁冗而手不釋卷居大父母喪不
用僧尼道士至今家以為法時巡按缺負君兼領其
事又兼查理文卷軍器諸務填委君殫精竭慮遂以

憂勞成疾疾革召所屬語之曰吾為言官不能舉其
職死有餘愧死之日其勿歛賻賵以重吾罪古者冠
帶不送死其為吾易深衣以殮時有族叔在浙西求
一訣君曰為謝吾叔察院豈私見所耶叔大哭而去
時正德丙寅九月十七日也年止四十有一以某年
某月某日葬某處君娶方氏子男二曰默曰然程之
先出自周伯休父世望廣平而新安有程自元譚公
始公七世祖元三公自槐塘出繼大呈材五世祖誠
公由大呈定居岑山今為岑山人大父示瑞考祚君

修髯偉儀觀抱負落落不凡與張芝載銑為友砥礪
以名鄴必欲追古人及之不肯隨世碌碌以就功名
官內臺一年所上十餘疏疏皆當今急務非掇拾細
故以塞責亦不為矯訐以求名惜中道忽踈然跡其
所樹立亦足襮白于天下雖不至公卿未為不遇也
假而位至鄉相終老默默以去視今所得何如哉君
之葬十有年其子然舉應天鄉試高等始以狀來
泣請銘曰先君累不第公考應天則在選癸丑復不
第公考會試則又在選豈生能知之死不能表之乎

家宰陸公又以書來曰程君屬續忍死以囑完曰必
得公銘此言不可忘也余不能辭銘曰
我思古人伊漢之誼策懷治安志實經濟遇君之明
卒乃不試唯光與禹三事周旋為國耆耆一辭莫宜
校是二者孰夫孰延於乎良用可以無怨

明故通議大夫都察院右副都御史徐公墓誌
銘

正德乙亥正月二十九日都察院右副都御史徐公
卒于家訃聞上命有司治葬事丁丑三月日

葵堯峯山之先塋友人大學士王某刻其碑曰公諱
源字仲山世家吳長洲尹山之瓜涇祖孝質贈通議
大夫都察院右副都御史考諒初封工部都水主事
贈武選郎中加贈通議大夫都察院右副都御史公
少則好學工文有名吳下成化乙酉占南畿鄉薦乙
未登進士第授工部都水主事理徂徠等處泉源改
兵部武庫司主事歷職方貢外郎武選郎中廣東布
政司左叅政浙江右布政湖廣左布政都察院右副
都御史巡撫山東初武選最號劇司公至洗心自誓

一意奉公權貴請囑戒門者一切勿通而籍其姓名
若將行罰者囑賄遂絕時天下武功爵幾二十萬坐
耗天下絕嗣者以跡遠襲公奏宗派許襲傍支者一
切罷之大革冗濫舊例以罪亡者落職公謂罪有輕
重以笞杖而革其職不已甚乎人又樂其寬大司馬
馬公甚委重之廣東勦雲桂獯獪公督糧水陸並進
觸瘴癘深入師以克濟山東歲饑公與刑部何侍郎
分行賑濟割臨清倉米八萬有奇以補歲漕之數明
年徵償公奏民賴拯給稍蘓而大遽征之何殊弗給

詔免與民 涇王就封于沂以水涸將由陸之國民
為騷動公檄所司姑緩之亟發卒濬河水旋至坦然
之國公私無擾公兄三莊塲屋浙藩拆卷多儒士御
史意欲有所前却公曰科塲所取者文郎通榜儒士
何傷山東歛銀將于鹿鳴宴驢士公曰方筮仕而示
以利冰為政之體乃已嘗代祀岳鎮東海齋之夕應
時澍雨闕里文廟成有白金文綺之賜累疏乞致仕
詔馳驛以歸公溫粹寬仁人稱長者而臨事執守堅
定雖當官蒞政未嘗一日去書不觀文章博雅尤喜

為詩力去近世尖新之習書有米家父子風配朱氏
封安人贈宜人加贈淑人子男三案例授蘓州衛指
揮同知先卒棠園子生槃郡庠生女三孫男三勲烈
熊曾孫一余與公交四十餘年公弟南昌經府澄狀
公行來請銘銘曰

端粹溫文以富厥有施于有政亦既克守毀或求全
冰哉所取銘于山阿噫柰公何

嘉議大夫南京工部右侍郎沈公墓志銘

沈氏其先蓋出梁隱侯約之後世家吳興曾祖

源澤元季避仇來居宜興之黃瀆洪武中舉遺才拜
代州同知祖德榮考養以公貴贈通議大夫都察院
右副都御史公天順己卯占應天鄉薦庚辰登進士
第授南京戶部主事歷員外郎郎中陝西布政司叅
議福建叅議叅政廣西江西左右布政使都察院右
副都御史遂進南京工部右侍郎乞致仕家居十餘
年年七十卒葬大潮山某月某日也公在陝分守
商洛流逋新歸者詔復三年而有司征役如故公劾
其罪募工甃其城免屢築之患福建銀鑛所司有額

外之賦公案之落職御史欲翻案出之公執不可御
史怏怏無柰卒從之廣西鎮守刻戍糧衆聚欲敗變
羣噪扣官署燔民舍撫之不聽公命土兵擒殺十餘
人乃定當是時徵公幾為亂琉球使入貢竊尚方禁
工縱淫媒夷人易變所過莫敢問涉江西境公曰若
縱之歸得無為外夷笑乎以計擒之鄖陽七府諸司
皆創建吏緣為奸公至則黜賊吏三四輩民無田者
聽開墾荒墊仍復其租三年得熟田數千頃訪校官
有學者令諸生相從講學教軍士採材木陶甓

其城十二里開城南教場悉樹以柳以時演武其
間至今萬柳成陰卽入飲于江以故多癭疾公始命
鑿十井於城中且造浮橋以通樊城免風濤之患以
均州泰和宮觀香銀糴穀賑飢有司至今遵行之其
在湖廣奏定各藩府歲祿又驗丁糧多寡定徭役
輕重長沙武岳諸郡逋負至二百餘萬有司征求百
方民終不能輸公奏宜命官檢實有所解縱庶民得
沾恩而官事亦辦詔卽委公蠲民五十餘萬折徵
餘萬官民兩利焉河南宣撫宣慰諸司交惡或請兵

勦之公言蠻夷相攻不可以疲中國其後諸夷亦自
解兵平漢鎮遠地邊貴州而懸屬湖廣所司奏欲割
屬貴州為便公言犬牙相制自

祖宗深意豈可

輕變唯征調詞訟則屬之貴南京歲治宮室城池戰
船

上供器用動以萬計大底奸人乾沒其間費

鉅而工窳公性善會計躬自物色品節多寡日月省
試又謹倉庫出納之數諸小無所容其奸興詭造謗
公知事不可為遂求去矣初公為員外監倉監稅亦
以嚴察羣小不便侍郎章綸入浮議因考察劾公物

議紛然時葉文莊公為吏侍

上命與都給事毛

弘同蒞之乃白公之直前任怨自小官則然矣公孝
弟清修好學予嘗評其詩有魏晉風楷書得魯公筆
意往年至宜興公約予遊張公善卷二洞又至太湖
山則已自瑩冢壙營域饗祀堂室池沼橋梁碑亭棹
楔秩然嚴整余曰跡公治行即不諱

朝廷當命

官治何預為公曰生無功于國死敢煩

官家即是

亦可知其賢矣初娶某氏繼某氏皆封

人子男二

某某銘曰

柳柳沈侯潤澤而臬自為郎官所至則發四臨大藩
御史中丞南少司空名位具鑒古亦有言清而容物
吾豈不容耻是咄囁超然出之道不我欺哉哉太潮
公手所治千秋萬年尚安在茲

故中憲大夫知温州府事文公繼室吳安人墓
志銘

弘治 年中憲大夫知浙江温州府事文公卒于
官送葬吳縣梅村之原安人柳氏祔後二十年為
正德己卯九月某日繼室安人吳氏卒其年十二月

十有三日祔葬祁安人之右初大夫之葬安人曰其
為我穿穴冢傍吾且從公于茲時未四十也至是竟
如其志吳世吳人安人考諱清任終永康縣學教諭
母顧獨以二女居大夫時知永嘉喪其配祁安人聞
永康之季則賢也乃委禽焉安人通孝經小學嫺于
禮度時大夫諸子皆幼安人煦濡抱負察其燠寒飢
飽癢疴有若所生雖諸子亦不知其非所生也隨官
博平丞南太僕總持內政賓客祭祀之奉下至米鹽
筐篚巨細罔有遺漏而內外之限尤嚴大夫以是無

內顧憂及官溫州單舸之任比疾始迎安人以往未
幾大夫不祿諸子在吳舍歛殯奠皆合儀法已則闔
廨舍約減獲葦無敢闌出入悉籍圖史及官府簿書
扁鐫以頒其子之至郡人歸賄甚腆子却之安人曰
是無忝乃父矣歸官即謝膏沐屏處一室雖親姻罕
覩其面大夫之子三曰徵靜徵明祁出也以文學世
其家徵明雖未第名已徹海內每秋試主司以不得
徵明為嫌而徵明未嘗以不第為懟也庶子室孫男
八女三嗚呼近世風化之壞俗有不堪說者予甚傷

焉若安人者獨居十年冰蘖之操不磷不緇可不謂
賢乎君子以是知大夫之教行于家也銘曰
詩詠栢舟志矢弗他鳴鳩飼子其愛無頗我懷伊人
寧渡有之洵美安人維其似之梅原之封于今有耀
噫嘻末俗尚克是劬

亞中大夫雲南按察司副使賀公墓志銘

雲南按察副使賀公諱元忠字澤民其先自宋南渡
來家吳包山之陽曾祖益安祖文昌世有隱德考廩
以易學魁應天解試歷官江學訓福建按察知事

以劉直不能隨時告歸授徒吳中今吳中易學最盛
其淵源盖有自云公得家學之秘成化辛酉占解試
高等壬辰登進士授行人司行人擢江西道監察御
史巡視漕河河道為通出按廣西風裁凜然剔奸振
滯黜污崇良名聲大振當道者多才之而亦有不悅
者乃除河南按察司僉事以憂去改僉雲南按察司
撫夷勦寇茂著勲績鎮守黔國公巡撫巡按僉舉公
資望不當尚滯卑官遂進按察副使兵備金齒騰衝
時木邦孟養舉兵相攻累歲不解公躬冒嵐瘴諭以

威德事且就緒而固以病乞歸矣帳下千人以金贖
不受夷人為作卻金亭以旌其廉云公歸林下凡二
十四年歲乙丑詔進亞中大夫正德丙子八月十
日以疾卒春秋七十有八其年十二月廿有六日葬
山之西塢配鄒恭人附子男六恭以進士歷官御史
直言被謫叙遷南京刑部郎晉郡庠生良漸翼子孫
男二安節安世公為人操執堅定面目嚴冷在道時
獨持憲紀革類御史抑首娒娒不敢出一語親舊或
有囑則厲聲曰吾知有國法不知有他他曰有言

言事當有跡則又厲聲曰御史以風聞言事必俟發而後舉則焉用御史為家居久矣雖子弟不敢媒見泰以御史按閩中還侍立左右惴惴如也近世仕者多崇第宅廣田園以侈相高公少能以其家富迄老所居狹隘卑陋終不肯覆一瓦增一廛曰無為子孫累也冠服敝舊飲饌菲薄能甘之雖宴享賓客亦不肯隨俗奢靡值伎樂必望望然去之出入坐一小航人不知其嘗有官也於乎其可謂篤於自信不為流

所變者耶銘曰

去古逾遠侈日滋漏洩末俗止者誰嗟允夫子矜獨
持毅然不惑行不隨浚有考者在于斯

光祿大夫柱國太子太保戶部尚書武英殿大
學士贈太傅文僖靳公墓志銘

正德庚辰八月七日太子太保戶部尚書武英殿大
學士靳公卒未葬 武宗南巡還師過鎮江幸其

第親臨其喪撫柩嗟悼者久之 今上入繼大統

訃聞為輟朝一日諭祭者九贈太傅謚文僖遣進士
朱統治葬事其子懋仁卜以嘉靖元年二月二十五

日葬公于其邑長山之原某於公為寮友又姻家也
知公為溪故為之銘公諱某字某靳之先世家廬州
元季避亂徙鎮江之丹陽曾祖諱某祖諱榮不仕考
諱瑜温州府經歷有遺愛在溫皆以公貴贈光祿大
夫柱國太子太保戶部尚書武英殿大學士曾祖妣
姜祖妣吳妣范皆贈一品夫人始温州年踰五十無
子范夫人憂之陰為置媵于側室温州見之驚曰是
何為者吾老矣何可復累人亟遣歸其家俄而范夫
人就館以天順甲申十二月二十日生公于温州之

官舍少長穎悟捷出時廣東副憲丁玉夫號溪理學
公從之遊又從今致仕少傅楊公遊其學益邃以博
弘治己酉舉應天鄉試第一庚戌會試第二廷試第
一甲第三及第授翰林院編修弘治丙辰 皇太
子將出閣講 詔選正人以端國本其選特慎翰林
舊學多不預戶部尚書侶公以公名上遂兼司經局
校書未數日也宮僚環侍 皇太子獨指公問左
右曰非靳先生耶固已目屬之 孝廟幸講所尤
加獎異有文綺玳瑁之賜又進春坊中允會典成進

春坊左諭德翰林院侍講公每侍講筵數奏雍容儀
觀修偉

重瞳屢回

武宗登極公以舊學進

太常寺少卿翰林院侍讀充日講是歲范夫人卒京
邸給驛歸治葬服闋還職尋掌翰林院事進禮部侍
郎時逆瑾盜政常因事諷公密書京官殿最以進公
不從銜之時翰林多外遷公亦左遷為光祿卿已乃
復舊改吏部又進魚翰林院學士管誥勅掌詹事府
事仍充日講官又進禮部尚書甲戌遂進文淵閣大
學士恭預機務已又進太子太保戶部尚書武英殿

未學士公在內閣屬時多事居常色憂不滿容與少
傅楊公等同心輔政時上講武禁中視朝稀晚

相與上言謹視朝之節以示勤政嚴宮闈之禁以備
不虞儲嗣未定海內寒心中外無敢言者又相與勸
上擇宗藩之近且賢者置之京師以係海內人心俟
皇子誕育仍歸藩邸皆人所難言者丁丑上以
郊祀畢將遂田南海子公時卧病即上疏言方今國
本未定中外危疑飢饉薦臻四方多儆鑾輿豈可
輕動遂乞告詔遣御醫視疾中使存問又上疏乞

致仕不許時禮部以會試請考試官 詔以屬公公

曰吾儕所以報國者在此力疾以往事竣復三上疏

乞去 上以公忠勤體國方切倚毗屢 詔慰留

公詞益切乃許之 賜勅給驛以歸有司月給祿米

輿皂且蔭子懋仁為中書舍人公雖得謝而憂世之

心不釋居常邑邑不解顏人莫測其所以越二年疽

發背卒壽五十有七在翰林時同考會試主考順天

鄉試者一考會試者再授庶吉士者再造就為多西

夏賊平賜賀功牌一尋又賜麒麟斗牛服玉帶眾人

家屬蟒衣三襲及歸又賜襲衣白金楮幣公豐夷溫粹可望而親平居端默臨事則侃侃無所避為文根極理要病世之學者多趨華靡教人必先經學嘗曰涵養須用敬進學則在致知此虞廷相傳心法也嘗典試崇雅黜浮力變士習家居斥去統綺侈麗之物作師儉堂以示子孫事親色養無違居喪致毀而動遵儀禮自袒括至祥禫皆有儀注以為後式晚以故第遜其族兄作室城南建祠堂于正寢之東置祭田祭器作惇叙堂以合族革去近世焚楮之弊其好古

力行如此夫人某氏故雲南左布政使某之女繼夫
人夏氏金氏子男一即懋仁女六長適故禮部侍郎
費公之子太學生銜次聘江陰夏載次聘某次聘宜
興少師徐文靖公之曾孫坤次聘鎮江衛指揮使陳
可貞之子次幼於乎公生平力學不懈學必以濂洛
為宗不可謂不純且正也際遇兩朝致位政府不可
謂不遇也用未久而歸歸未久而卒其所蘊有未能
盡試者乎天下顧不能無惜焉銘曰

翼翼文僖舊自南服翔于詞林秀動睿目遭際

泰陵瞻駕顧只不難正朕而况朕子遂加校書隨侍
春宮朝經暮史風議雍容

儲宮南面從龍以登秘閣巖巖心膂朕肱惟是師臣
海內承式乃匪其榮而憂而惕丹宸之箴邾招之情
甲觀之虛寔縈臣心得告來歸爰弛其憂憂之不釋
疾遂不瘳

鑾輿東臨第玆弗被

上錄舊臣恩命稠疊用雖不究禮數則崇刻詞幽墟
以責初終

勤上人塔銘

釋迦最上一乘正法眼藏吾不得而知也而知其必
由戒以入戒生定定生慧不由戒而求佛如煮砂作
糜無有是義顧今之學佛者從其道而好違其戒故
吾于勤上人有取焉而友之其歿也其徒道全方瑞
來求銘吾曰吾心許之久矣上人諱智勤本沈氏子
而幼養于陸伯良氏既冠陸將室之嘒然弃去山之
法海叢林也從師復難髮焉苦行精修慨然有忘身
求道之志遂渡浙江登壇受戒具述天台過石梁者

三至普陀然其一指觀音現像焉禮育王塔永見舍利陟天目禮高峯塔又然其一指塔為放光遊武當禮玄武至五臺禮文殊方其篤于祈詣杖錫重開矣風漲海蛟龍變恠不知其為毒也冰涯雪磴繩橋懸渡不知其為阨也神遊鬼壑蟲蛇獅象不知其為害也既而曰即心是佛何遠之求乃歸俞塢初塢有寺曰興福久弗不治里人迎渡與上人居焉檀越爭施遂芟榛翳剏巖巒山門佛殿齋廊庖庾罔不鼎新與法海抗矣後乃孫其居與其徒自營退居安坐其間

目誦法華積成一藏夫以阿難之趨悟也猶有登伽
之惑上人少空色相戒體無毀杯渡之神恠也不廢
無碍之肉上人老味禪悅戒行罔缺年八十餘顏色
精瑩步履如飛人曰其真有得耶正德八年五月忽
示疾辟穀者五十日儼然而化春秋八十有九僧臘
六十有命其徒曰留此四大勿用茶毗其年九月
十七日葬俞塢之岡去寺百武銘曰
像教西來被子震旦南宗北宗始合而散末乃益離
或繼而誕棄其巨筏邪登彼岸於勤上人獨精戒律

偏禮名山誓往兜率斷指忘身歸命文佛苦行精專
八十九年隻履西歸悲動人天林屋之東有俞惟塢
層構莊嚴師所營者千載皈依尚來歸也

延質壙銘

吾兄安隱四子伯寵秀文不幸短命先仲宰繼死所
特者質與學皆能成立亦有子矣延質年三十有
六正德六年十二月二十日又忽死於乎吾兄之賢
而天其嗣吾姪之才而不克永其半天可問耶初質
年十七八穎異拔出輩類落筆動千言翩翩有乃叔

之風吾心以為是子也脫穎三千之場搏扶九萬之
海蓋無難者已而屢試南畿不利久之乃稍歛其英
華余恠之方欲振起之則未也會安臨不祿葬有日
質適病不能興質以大葬不能親塋心殊迫甚期愈
近心愈迫病愈加或貽之成藥冀速已服之晷下不
止卒於其命耶其可哀也已妻葉氏子有周有方
女二初寵妻張氏早寡無子乳乳守志不渝葉憐之
有無共之相守如姊妹十年十月廿四日張死今年
六月廿六日葉亦死三喪並以丁丑閏十二月十一

日葬蔣塢祖塋之東偏其重可哀也已銘曰
汝之不幸耶吾宗之不競耶汝之才耶而止斯耶

詩之不幸何若宗之不族而始之有節而九族之

不族而始之有節而九族之不族而始之有節而九族之





